

愚

齋

存

稿

愚齋存彙卷第十八目錄

奏疏十八

各省官紳報効振款仍請援案優獎摺

士民助振請准建坊片

撥解湘省振款摺

撥解皖省急振並遵 旨寬籌款項摺

各省官紳報効振款仍請援案優獎摺

巴雅拉氏等助振請准建坊片

瀝陳川路情形摺

各省官紳報効振款仍請援案優獎摺

士民助振請准建坊片

遵 旨酌撥永定河振需並陳籌款情形摺

遵 旨議覆川省路股辦法摺

密籌借款收回鐵路商股情形片

各省官紳報効災振鉅款仍懇照案優獎摺

王湯氏助振請予建坊片

愚齋存彙卷第十八

奏疏十八

各省官紳報効振款仍請援案優獎摺

宣統三年六月

奏爲各省官紳報効災振鉅款仍懇准照前案

特予優獎恭摺仰祈

聖鑒事竊查江皖災振所有各官紳報効鉅款經

臣五

次

奏請照章優獎欽奉

諭旨均著照所請獎勵等因欽此現因江皖新捐收數甚薄借墊各款尙難歸償

奏請查照兩次部議仍照前奏所請各節展辦半年以清款目宣統三年六月二十二日欽奉

諭旨著依議欽此欽遵各在案茲據縣丞銜池鑒清報効振捐銀一萬二千兩道員職銜貝仁元開復雲南黑鹽井提舉李訓鉉各報効振捐銀一萬兩分部補用主事張書森報効振捐銀九千兩翰林院孔目銜

頤和園額設甲監生恩需報効振捐銀八千兩升補雲南安平同知胡思義府經歷銜冉崇玠各報効振捐銀七千兩候選直隸州州判拔貢生王錫彤保留廣西原省調滇知縣孔繁琴湖南補用知縣吳道晉同知銜附

貢生焦培棠府經歷銜存蔭存鈞翰林院孔目銜鄧忠
荃各報効振捐銀六千兩員外郎銜華永源江蘇試用
知州倪鴻鈞候選同知丁憂浙江宣平縣知縣伍璜主
事銜華懷仁中書科中書銜趙雲鵬府經歷銜附貢生
田助國穆郇王寶賢同知銜江紹墀王壽山葉耀堂同
知銜附貢生章震宇府經歷銜張樹榮新疆候補縣丞
劉登鳳河南試用縣丞昱燾候選直隸州州判拔貢生
李友蓮府經歷銜廩貢生戴聯祥縣丞銜附貢生譚傳
煒同知銜曹奎蔭通判銜梅尉南各報効振捐銀五千
兩其計報効振捐銀二十萬五千兩均已如數核收由

籌振公所稟報前來

臣

查各省官紳報効近甫踴躍兼

旬之間又得籌集鉅款接濟要需具徵

聖澤涵濡人心向化自應仍照前案

奏請優獎以爲急公好義者勸查池鑒清貝仁元李訓
鉉張書森報効銀兩核與報捐雙月選用道員例銀有
餘均擬請以道員雙月選用恩需報効銀兩核與報捐
不論雙單月分發員外郎例銀有餘擬請以員外郎仍
歸本處補用胡思義報効銀兩核與報捐雙月選用道
員並免離任例銀有餘擬請以道員雙月在任候選並
免離任冉崇玠王錫彤報効銀兩核與報捐雙月選用

郎中例銀有餘均擬請以郎中雙月選用孔繁琴吳道
晉報効銀兩核與報捐雙月選用知府例銀有餘均擬
請以知府雙月選用焦培棠報効銀兩核與報捐不論
雙單月選用知州例銀有餘擬請以知州不論雙單月
選用存蔭存鈞鄧忠荃華永源報効銀兩核與報捐雙
月選用員外郎例銀有餘存蔭存鈞係內務府人員均
擬請以員外郎雙月補用鄧忠荃華永源均擬請以員
外郎雙月選用倪鴻鈞伍璜報効銀兩核與報捐分部
郎中例銀有餘倪鴻鈞擬請以郎中分部行走伍璜擬
請俟服闋後以郎中分部行走華懷仁趙雲鵬田助國

穆邨王寶賢報効銀兩核與報捐不論雙單月選用主
事例銀有餘均擬請以主事不論雙單月選用江紹墀
王壽山葉耀堂報効銀兩核與報捐不論雙單月選用
同知例銀有餘均擬請以同知不論雙單月選用章震
宇張樹榮報効銀兩核與報捐雙月選用同知例銀有
餘均擬請以同知雙月選用劉登鳳昱燾李友蓮報効
銀兩核與報捐不論雙單月分發試用知縣例銀有餘
均擬請以知縣不論雙單月分發試用戴聯祥譚傳燁
曹奎蔭報効銀兩核與報捐不論雙單月選用知縣例
銀有餘均擬請以知縣不論雙單月選用梅尉南報効

銀兩核與報捐指分試用通判例銀有餘擬請以通判指分試用以上各員所請獎勵按之籌餉例定銀數詳細復查實係有盈無絀合無仰懇

天恩俯照前奏仍准

特降諭旨所有此次報効鉅款之池鑾清等三十四名均予如請獎勵感荷

聖慈愈無旣極除飭取各該員履歷造冊咨部外所有各省官紳報効鉅款仍懇准照前案優獎緣由謹恭摺具陳伏乞

皇上聖鑒訓示謹

奏 本月二十四日奉

諭旨盛宣懷奏各省官紳報効災賑鉅款懇准照案優獎一摺池鑒清等三十四名均著照所請獎勵欽此

士民助振請准建坊片

宣統三年六月

再查士民捐助振款千兩以上者例得請

旨建坊給與樂善好施字樣歷經遵辦在案茲據河南
勸辦江皖振捐司道詳稱據汝州直隸州知州齡昌稟
報該州人州同職銜梁京魁報効振捐銀一千四百五
十兩解由籌振公所核收轉報前來臣查該職員所捐
銀數核與建坊之例相符洵屬急公好義有裨振需相
應請

旨俯准給予樂善好施字樣由該州同職銜梁京魁在
於原籍自行建坊以彰善舉理合附片具陳伏乞

聖鑒訓示謹

奏 本月二十四日奉

諭旨又片奏州同職銜梁京魁報効振捐銀兩請准建坊等語著依議欽此

撥解湘省振款摺

宣統三年六月

奏爲遵

旨籌撥湘省振款派員迅速起解以資協濟而拯重災

恭摺仰祈

聖鑒事

臣

於宣統三年六月二十三日承准內閣字

寄奉

旨楊文鼎電奏湘陰等縣續報水災亟求振撫又常德府縣自十五日大雨如注河水陡漲人畜器具漂流無算請飭盛宣懷酌量協助等語上月據該撫奏報常德等府屬災情當經諭令妥爲振撫茲據續報各屬被災

情形殊堪憫惻亟應速籌拯救著卽咨商盛宣懷酌量撥款以資協濟毋任失所餘著照所議辦理該部知道欽此並准湖南撫臣楊文鼎電咨前來臣查湘省近年頻遭水患地方本屬瘠苦先於本月二十三日准楊文鼎電稱入夏以來陰雨過多湖河驟漲武陵龍陽益陽湘陰甯鄉沅江華容澧浦長沙等縣被水成災情形甚重又據常德府縣飛稟該郡自十五日起大雨如注上游發蛟河水陡漲一丈六七尺城外人畜器具漂流滿河該郡以城爲堤萬分危險二十五日又准電稱山洪續發勢若懷襄濱湖沿河各州縣不獨田野盡是汪洋

城治亦遭淹灌秋收無望不知下半年成何景象務懇
籌撥巨款拯此災黎各等語臣體察此次湘省被災情
形初僅蔓延四府九縣現已一片汪洋盡成澤國不特
振撫飢民需款浩大且恐城堤田廬民舍亦非人力所
可防護天災流行殊深警惕臣所辦振捐適承江皖豫
魯數省大災之後借墊各款撥解無存新捐所收又甚
支絀實屬力與心違惟仰體

宵旰南顧之憂與湘省被災之重待振之迫自不得不
移緩就急挹彼注茲所竊幸者昨奉

恩旨新捐展辦半年各省官紳報効尙可寬期勸導茲

擬於江皖新捐項下籌墊銀十萬兩委員廣東候補直隸州知州魏允濟剋日起程迅速解交撫臣楊文鼎查收轉發災區分別振濟並飭該委員兼程前進卽赴受災最重之地查勘大概情形再行回京稟報以期稍副朝廷軫念民艱無任失所至意除咨度支部及湖廣督臣湖南撫臣查照外所有撥解湘省振款派員迅速起解情形理合專摺具陳上紓

宸廑伏乞

皇上聖鑒訓示謹

奏 本月二十七日奉

諭旨盛宣懷奏籌撥湘省振款派員迅速起解一摺知
道了欽此

撥解皖省急振並遵旨寬籌款項摺

宣統三年閏六月

奏爲撥解皖省無爲州等處振款趕放急振並續據各處電告遵

旨寬籌款項迅速匯解籲請

飭下督撫

臣

查振大臣將工振事宜會籌分辦恭摺仰

祈

聖鑒事竊

臣

於宣統三年六月三十日承准內閣片交

奉

旨馮煦電奏本月十四日皖省無爲州五里碑地方圩破五十餘丈又上下九連等處百七十七圩全行淹沒

委員馳放急振等語圩民遭此奇災深堪憫惻該大臣
卽會商朱家寶盛宣懷寬籌款項妥爲撫卹毋任失所
餘著照所議辦理欽此並准安徽撫臣朱家寶查振大
臣馮煦先後電咨前來伏查安徽無爲州治居大江之
濱四圍皆水地極低窪先於六月二十五日准該撫臣
電稱該州五里碑壩爲江潮沖潰上下九連等圩均漫
災象又成潰堤爲水力奔注內灌之勢尤急請撥巨款
以濟危急等語臣卽於是晚由大清銀行電匯銀五萬
兩交查振大臣馮煦查收商派大員馳赴該州趕放急
振二十七日接皖紳公電稱無爲州災尤慘酷露餓待

斃無算振急工鉅又准馮煦閩六月初一日電稱二十九日到蕪改乘小輪赴無爲查勘當將帶去現洋麵餅食物發交該州印委辦理急振江行由裕溪至舊縣周覽無爲州境上下九連各圩一片汪洋高及樹巔村落廬舍全歸巨浸災民或蟠伏高地或麕聚小舟渡江覓食者已十數萬過雍家鎮時見和州之官八圩勢甚岌岌保大圩已有決口初二日電稱無爲州三閘已決災情更重初四日電稱據所遣武弁探報和州之保大圩潰決頃刻漫天淹及全境並注含宿一時倉皇悽慘情形直數十里不絕各等語臣又卽日電匯銀五萬兩交

馮煦歸併前款查放復查無爲州水災突如其來體察迭次電告其危急情形實有措手不及之勢工程浩大戶口繁庶需款之鉅固不待言且居長江心腹之地水勢所趨上下游必同受其害人心惶惶保全治安尤爲緊要亟應懍遵

諭旨寬籌款項妥爲撫卹災黎不致失所地方卽不致擾亂臣先後兩次電匯銀共十萬兩均在江皖新捐項下撥放現查捐款一無存餘而振需斷非此十萬兩所能濟事復於交通通商兩銀行各借銀十萬兩共計三十萬兩卽日續行電匯以濟急需一面電商馮煦務須

選派幹練大員酌帶得力員司多僱船隻載運錢米分投散放以期下救民命上慰

宸懷惟

臣

更有請者查振籌款係馮煦與

臣

專責堵修

圩壩安集民生應歸督撫臣妥爲籌辦無爲州地方本係圩鄉堤壩一潰卽成澤國目下水勢正漲恐難施工或先由地方官督率鄉民將未全潰者速籌堵築之方已盡決者預擬復修之計俾災黎受振以後尙可有生聚之望尤爲補救地方切要政策可否請

旨飭下兩江督

臣

安徽撫

臣

迅籌堤工查振大臣專辦

急振以期分別撫綏之處伏候

聖裁所有撥解無爲州等處急振並遵

旨寬籌款項暨請將工振會籌分辦情形理合恭摺具
陳伏乞

皇上聖鑒訓示謹

奏 本月初六日奉

上諭盛宣懷奏撥解皖省振款趕放急振並請飭下該
省督撫及查振大臣將工振事宜會籌分辦一摺安徽
無爲州等處災情甚鉅覽奏深爲憫惻著盛宣懷等寬
籌款項源源接濟妥爲撫恤毋任失所所有未潰已決
各隄埝著兩江總督安徽巡撫迅卽派員分別查勘妥

籌堵築以澹沈災而奠民生欽此

各省官紳報効振款仍請援案優獎摺

宣統三年閏六月

奏爲各省官紳報効災振鉅款仍懇准照前案

特予優獎恭摺仰祈

聖鑒事竊查江皖災振所有各官紳報効鉅款經

臣六

次

奏請照章優獎欽奉

諭旨均著照所請獎勵等因欽此嗣因江皖新捐收數甚薄借墊各款尙難歸償

奏請查照兩次部議仍照前奏所請各節展辦半年以清款目宣統三年六月二十二日欽奉

諭旨著依議欽此欽遵各在案茲接兩廣總督

臣張鳴

岐咨稱據一品

封典四品卿銜二品頂戴廣西試用道李銘恩報効振捐銀一萬兩又據四川在任候補直隸州知州射洪縣知縣章慶報効振捐銀七千兩三品銜指分山東試用知府袁光晉貴州施秉縣知縣王會各報効振捐銀六千兩同知銜熙庸熙厯各報効振捐銀七千兩員外郎銜法部主事庚芳府經歷銜徐燕昌州同銜廩貢生葛昌楹翰林院待詔銜曾廣欽州判銜直隸試用縣丞趙長吉同知銜趙金篆劉玉鑣貴州候補未入流文雲章

候選府經歷葛延春通判銜鄒祖澤州同銜陶國銘准
補裁缺按察司照磨石銘勲縣丞銜曠南垓何長庚州
判銜新選孝廉方正優附生林兆元各報効振捐銀五
千兩共計報効振捐銀十一萬八千兩均已如數核收
由籌振公所稟報前來查李銘恩由二品頂戴獎有一
品

封典四品卿銜此次報効銀兩張鳴岐原咨內稱並無
子弟合格移獎擬請

特恩賞給頭品頂戴章慶報効銀兩核與報捐雙月選
用道員並免離任例銀有餘擬請以道員雙月在任候

選免離任袁光晉報効銀兩核與報捐不論雙單月選
用道員例銀有餘擬請以道員不論雙單月選用王會
報効銀兩核與報捐雙月選用知府例銀有餘擬請以
知府雙月選用熙庸熙厘庚芳報効銀兩核與報捐雙
月選用郎中例銀有餘均擬請以郎中雙月選用徐燕
昌葛昌楹曾廣欽報効銀兩核與報捐不論雙單月選
用主事例銀有餘均擬請以主事不論雙單月選用趙
長吉報効銀兩核與報捐雙月選用直隸州知州例銀
有餘擬請以直隸州知州雙月選用趙金篆劉玉鑣報
効銀兩核與報捐不論雙單月選用同知例銀有餘均

擬請以同知不論雙單月選用文雲章報効銀兩核與
報捐雙月選用同知例銀有餘擬請以同知雙月選用
葛延春報効銀兩核與報捐雙月選用知州例銀有餘
擬請以知州雙月選用鄒祖澤報効銀兩核與報捐指
分試用通判例銀有餘擬請以通判指分雲南試用陶
國銘石銘勳報効銀兩核與報捐分省試用通判例銀
有餘均擬請以通判分省試用曠南垓何長庚林兆元
報効銀兩核與報捐不論雙單月選用知縣例銀有餘
均擬請以知縣不論雙單月選用以上各員所請獎勵
按之籌餉例定銀數詳細復查實係有盈無絀合無仰

懇

天恩俯照前奏仍懇

特降諭旨准將報効鉅款之李銘恩

賞給頭品頂戴其餘章慶等二十員均予如請獎勵仰

沐

鴻慈尤無既極除飭取各該員履歷造冊咨部外臣查

上月湖南常德等府縣水災奉

旨酌量撥款以資協濟經臣於江皖新捐項下籌墊銀

十萬兩派員剋日解交湖南撫臣兌收振濟安徽無爲

州等處堤潰圩決奉

旨寬籌款項妥爲撫卹又經先後撥解銀十萬兩並另向交通通商兩銀行共借銀二十萬兩一併匯交查振大臣馮煦查收趕放急振均經

奏報在案旋接馮煦電告皖省濱沿江河被水沖決堤圩者計十數府州縣振無窮期款難再措實爲不了之局尙須源源接濟而前撥度支部預墊捐款銀三十萬兩昨經改爲農工商部經費疊咨催解不能不兼籌並顧擬請自此次報効起每次提出銀五萬兩分批撥解以期清償凡此支應竭蹶情形諒邀

聖明洞鑒幸各省官紳深明大義勉力報効爲數雖不

甚多尙可稍資接濟臣惟有督飭公所委員竭力勸導以期早一日清償各款早一日結束捐案合併聲明所有各省官紳報効鉅款仍懇准照前案優獎緣由謹恭摺具陳伏乞

皇上聖鑒訓示謹

奏 本月十七日奉

諭旨盛宣懷奏各省官紳報効災振鉅款懇准照案優獎一摺四品卿銜二品頂戴廣西試用道李銘恩著賞給頭品頂戴其章慶等二十一員均著照所請獎勵欽此

巴雅拉氏等助振請准建坊片

宣統三年閏六月

再據補用直隸州知州農工商部主事訥謨賀呈稱胞姊那拉室巴雅拉氏適前禮部筆帖式增俊爲妻光緒二十六年二月夫故氏年三十二歲立意仰藥殉節經翁姑嚴防未遂其志承繼一子時年尙幼上侍翁姑下撫幼子孝養兼備至三十四年氏年四十歲嗣子已將及歲終以痛夫情切撓疾不藥於是年十月病故遺命捐助災振銀一千兩又據五品封職尹恩榮四品封職尹恩德呈稱現因皖省急振需款緊要遭伊母五品命婦尹王氏命捐助專放急振銀一千兩均交由籌振公

所核收轉報前來臣查士民捐助振款至千兩以上例得請

旨建坊今那拉室巴雅拉氏尹王氏所捐振款銀數核與建坊之例相符那拉室巴雅拉氏撫孤承祀節義可嘉尤非尋常助振者比相應請

旨准將那拉室巴雅拉氏

旌表節孝並與尹王氏均給與樂善好施字樣由該家屬等各在原籍自行建坊以彰幽德而勵善舉謹附片具陳伏乞

聖鑒訓示謹

奏 本月十七日奉

諭旨盛宣懷片奏前禮部筆帖式增俊之妻巴雅拉氏
五品封職尹恩榮等之母尹王氏各捐振款請建坊等
語著依議該衙門知道欽此

瀝陳川路情形摺

宣統三年閏六月

奏爲瀝陳川路情形恭摺仰祈

聖鑒事本月二十一日奉

旨趙爾豐電奏川路股東會會長顏楷等爲部臣弊通
分公司總理分別糾劾錄呈代奏等語原奏著鈔給督
辦粵漢川漢鐵路大臣郵傳大臣閱看欽此欽遵由內
閣鈔交前來詳閱原奏持論有三一以川路駐宜總理
李穆勳來部呈商辦法臣部採其條陳咨照川督目爲
私相授受一以李穆勳條陳接收以前關於工程材料
及工程司去留各事項如何辦法目爲專擅害公由股

東會議決辭退一以接收以前工程照常開支目爲收
路不已更奪其資臣部查四月十一日奉

上諭幹路國有定爲政策如何收回著度支部郵傳部
凜遵此旨悉心籌畫請旨辦理等因欽此彼時以收回
詳細辦法商議尙須時日現辦各工程夫役星散則遇
事滋生變端雨水時行而未完之工恐壞特於次日電
致四省督撫轉飭各公司無庸停工原用員司一概仍
舊嗣接鄂督瑞澂覆稱宜昌現在工役約四萬餘人每
月開支需款甚鉅鄂蜀之間本多伏莽工款兩項一不
應手變卽隨之等語是工旣不停卽須籌款應付而部

未接收界限不清又不能動支借款李稷勳請遵照部
札一切用款自五月初一日起會同部派之員專冊登
記以清界限此項用款應俟全路工程交由官局接收
後始能截數清算實爲慎重民款維持路政起見臣部
准其所請咨行川督按之四月間臣部加札四川道員
馬汝驥赴宜查帳札開所有該公司進出款目自接辦
之日截止其本部與督辦大臣委員未到以前工程動
用款目卽准馬道會同李參議專冊登記以便接收之
日一併由部核算等語並將札文咨行川鄂兩督查照
是旣聲明將用款逐項登記卽爲認還川款之根據此

見列存案 卷一八
時暫用川款他日川路股東議決如以餘款入股自可
領回國家鐵路保利股票卽欲劃歸本省興辦實業亦
可由部按照登記專冊如數撥還毫無虧損何以謂旣
收其路又奪其資至李稷勳於宣統元年七月間由四
川總督奏派川路駐宜總理奉

旨允准在案查奏定公司章程公司重大事件仍稟承
督部辦理是李稷勳此次來都以總理資格向 臣部直
接呈商亦屬應有之權限何以謂私相授受 臣部前接
鄂督瑞澂電稱宜昌前以公司停工停款謠言頗盛賴
李稷勳尙能維持不如仍請用李又接護川督王人文

電稱總理李稷勳爲川人所信仰似可留用藉以羈攬
眾情並請迅電李總理勿令停工以免夫役分散是李
稷勳於該路深洽人心當此紛擾之際正須藉以鎮壓
旣爲川鄂疆臣所深許又曾爲在京川紳聯名電致公
司所公舉前任川督趙爾巽所奏派此次來京並聞川
省京官兩次開會眾皆認爲正當辦法今乃以向不任
事之臨時特別股東會議決任意開除奏派之總理限
於十日內交卸不知是何居心在平日公司總理之去
留原可全憑股東決議現值官商交接之間若任令更
新換舊恐經手工程款項必多推諉掩飾而鄂督所慮

謠言四起有礙治安亦所難免此誠非部臣所能臆度者也總之查明進出帳目方能辦理接收事宜此一定之理而川路自四月奉

旨之日起卽由

臣

部咨請川督派員到局查帳據護督

電係派勸業道往查數月以來尙無咨報督辦大臣端方到鄂已久亦尙未能派員接收當此之時停工旣虞其滋事不停工復目爲奪資臣與端方往返電商一切仍當凜遵迭次

諭旨辦理應請

飭下四川督

臣

轉飭奏派路工總理李稷勳仍駐宜歸

暫管路事督辦大臣未接收以前勿許離工並卽責成該督遵照五月二十一日

上諭迅速會同督辦粵漢川漢鐵路大臣將所有收款分別查明細數實力奉行俾得按照所擬辦法早日決定請

旨派員接收趕緊進行庶以保路政而維大局所有瀝陳川路情形緣由謹具摺恭陳伏乞

皇上聖鑒訓示謹

奏 本月二十六日奉

旨盛宣懷奏瀝陳川路情形一摺所有請飭四川總督

轉飭李稷勳仍駐宜歸暫管路事督辦大臣未接收以前勿許離工並責成該督遵照前旨迅速會同端方將所有收款分別查明細數實力奉行俾得按照所擬辦法早日決定等語均著照所議辦理本日又據瑞澂端方電奏各節應由端方就近迅速會商趙爾豐懍遵疊次諭旨妥籌辦理嚴行彈壓毋任滋生事端並將詳細情形隨時查明電奏欽此

並電湖廣總督瑞署四川總督趙督辦川粵漢鐵路大臣

端

各省官紳報効振款仍請援案優獎摺

宣統三年七月

奏爲各省官紳報効災振鉅款仍懇准照前案

特予優獎恭摺仰祈

聖鑒事竊查江皖災振所有各官紳報効鉅款經臣七次

奏請照章優獎欽奉

諭旨均着照所請獎勵等因欽此嗣因江皖新捐收數甚薄借墊各款尙難歸償

奏請查照兩次部議仍照前奏所請各節展辦半年以清款目宣統三年六月二十二日欽奉

諭旨着依議欽此欽遵各在案茲據同知銜指分江蘇試用知縣榮濬候選知縣喬景儼各報効振捐銀九千兩雙月選用同知吳建常議敘雙月選用按察司經歷徐逢寅各報効振捐銀七千兩縣丞銜龔慶積報効振捐銀六千兩新疆試用知府賀家棟五品頂戴四川候補府經歷史秉筠同知銜指分四川試用知縣榮澤郎中銜盛善懷候選光祿寺署正張葆善員外郎銜華念祖華崇祿主事銜渠晉鶴分省試用縣丞金紹基縣丞銜毛印相伍廷芝縣主簿銜雙清劉兆沛廣西試用縣丞楊光植縣丞銜田復宗張大猷向樹均府經歷銜胡

福鑄運同銜陳惟和各報効振捐銀五千兩共計報効
振捐銀十三萬三千兩由籌振公所稟報前來臣查本
年江皖新災准督臣張人駿撫臣程德全朱家寶查振
大臣馮煦先後迭次電告皖則無爲蕪湖當塗和州含
山巢縣繁昌廬江桐城宣城貴池銅陵東流太湖潛山
宿松等計十六州縣江則通州江都丹徒武進寶山清
河桃源江陰靖江丹陽常熟等計十一州縣均係圩破
堤決田廬漂沒人口淹斃慘不忍聞乃閏六月十六十
七十八等日復因狂風暴雨江水陡漲巨浪衝突沿江
濱河一帶各州縣受災加重蔓延愈廣往返電商均稱

必須寬加振款方足以資拯救捐收本絀借墊已窮天
無厭禍之時民乏更生之望徬徨五夜如擣心憂幸各
省官紳報効尙能施當其急以裨振需自應仍照前案
奏請優獎以昭激勸查榮濬喬景儼吳建常報効銀兩
核與報捐雙月選用道員例銀有餘均擬請以道員雙
月選用徐逢寅報効銀兩核與報捐雙月本班先選用
郎中例銀有餘擬請以郎中雙月本班先選用龔慶積
報効銀兩核與報捐雙月選用員外郎例銀有餘擬請
以員外郎雙月選用賀家棟報効銀兩核與報捐單月
選用道員例銀有餘擬請以道員單月選用史秉筠報

効銀兩核與報捐雙月選用直隸州知州例銀有餘擬請以直隸州知州雙月選用榮澤盛善懷張葆善報効銀兩核與報捐雙月選用郎中例銀有餘均擬請以郎中雙月選用華念祖華崇祿報効銀兩核與報捐雙月選用員外郎例銀有餘均擬請以員外郎雙月選用渠晉鶴報効銀兩核與報捐分部行走主事例銀有餘擬請以主事分部行走金紹基毛印相伍廷芝雙清劉兆沛報効銀兩核與報捐不論雙單月選用主事例銀有餘均擬請以主事不論雙單月選用楊先植報効銀兩核與報捐分省試用知縣例銀有餘擬請以知縣分省

試用田復宗張大猷向樹均胡福鑄陳惟和報効銀兩核與報捐不論雙單月選用知縣例銀有餘均擬請以知縣不論雙單月選用以上各員所請獎勵按之籌餉例定銀數詳細復查實係有盈無絀合無仰懇

天恩俯照前奏仍准

特降諭旨所有報効鉅款之榮濬等二十四員均予如請獎勵仰荷

聖慈益深欽感除飭取各該員履歷造冊咨部外再查皖省無爲州等處振款先經遵

旨籌撥銀三十萬兩江省揚鎮常等屬被災奉

旨加籌振款又經籌撥銀二十萬兩統交查振大臣馮
煦查收察看災區輕重合計分撥共計兩次籌撥江皖
新災振款銀五十萬兩內於新捐項下撥解者二十萬
兩由交通通商兩銀行息借者三十萬兩災未查竣款
難預計臣惟有始終不懈盡力寬籌以期仰副迭次
詔命屢念沉災至意合併陳明所有各省官紳報効鉅
款仍懇准照前案優獎緣由理合恭摺具陳伏乞
皇上聖鑒訓示謹

奏 本月十二日奉

諭旨各省官紳報効災振鉅款懇照案優獎一摺榮濬

等二十四員均准如所請獎勵該衙門知道欽此

士民助振請准建坊片

宣統三年七月

再查士民捐助振款千兩以上者例得請

旨建坊給與樂善好施字樣歷經遵辦在案茲准查振大臣馮煦電稱候選知縣任德祥遵伊祖父任敘功祖母任徐氏遺命捐助振銀一千兩又據勸辦振捐署山西提法使翁斌孫詳稱從九銜郅玉璧遵伊故父直隸試用道郅承章遺命捐助振銀一千兩均經分別撥充振需由籌振公所彙案請

奏前來

臣

查該員等所捐銀數核與建坊之例相符洵

屬慕義情殷有裨振務相應請

旨俯准任德祥爲伊祖父任敘功祖母任徐氏郃玉璧爲伊故父郃承章各在原籍自行建坊均給與樂善好施字樣以彰善舉謹附片具陳伏乞

聖鑒訓示謹

奏 本月十二日奉

諭旨盛宣懷片奏候選知縣任德祥等捐助振銀一千兩請爲其祖父母自行建坊等語著依議欽此

遵 旨酌撥永定河振需並陳籌款情形摺

宣統三年七月

奏爲遵

旨酌量籌撥直隸永定河漫口振需並詳陳籌款爲難情形恭摺仰祈

聖鑒事竊宣統三年七月十六日奉

旨陳夔龍電奏永定河漫溢成口災黎待拯孔殷直隸振款無著請飭江皖籌振大臣迅撥銀十五萬兩以資急振等語著盛宣懷酌量籌撥欽此承准內閣片交前來

臣維直隸爲

畿疆重地永定河工夙稱險要

臣雖奉

命籌辦江皖振務理應不分畛域撥款協助第查上年江皖振災舉辦較遲是以先行

奏請挪借度支部郵傳部捐款路款共六十萬兩並飭通商銀行等設法息借趕辦急振共計撥解江皖兩省及河南山東各州縣振款振糧運費川資平糶粥廠已在一百四十萬兩以上雖經設立公所勸辦各項捐輸及報効等款計自開辦至今僅收捐款銀一百四十六萬餘兩以收抵撥似尙相符無如六月間湘省常德等屬被災遵

旨協濟銀十萬兩皖省無爲州等處圩破堤潰災廣人

眾又經遵

旨撥解振款銀三十萬兩蘇省揚鎮常三屬沿江各圩被水沖決小民困苦達於極點又經遵

旨加籌振款銀二十萬兩以上所撥各款在新捐項下動放者半向各銀行息借者亦半羅掘一空智窮力竭而度支部原借之三十萬改爲農工商部經費兩次僅得撥還銀十萬兩七月十三日查振大臣馮煦電奏皖南江南統核新災需款現在已撥之五十萬兩實屬不敷擬將部款稍緩歸墊等因雖經奉

旨著度支部議奏

臣

以該款業經奏明由報効第七次

起每次提銀五萬兩分批撥解以期清償是以仍照原案解交不敢延誤惟江皖新災振款實形短絀官紳電告紛至沓來並云飢民經亂民煽惑蕪湖常昭等處均有搶掠暴動情事弭災所以弭亂誤民卽將誤

國不得已復又電商上海銀行息借銀十萬兩卽於十四日交大清銀行電匯馮煦查收統由馮煦分別輕重緩急合計分撥迅速拯救以遏亂萌凡此籌款竭蹶情形諒早在

聖明洞鑒之中臣一息尙存自應始終不懈今直隸永定河漫溢成災飢民必眾待振必急臣曷敢稍存漠視

祇以一時無款可撥疾首疚心不安寢饋查江皖新捐

先經

臣

咨明直隸督

臣

照會藩司及署提法使洪恩廣

會同勸辦業已辦有成效擬請凡直隸省所收捐款報解籌振公所者卽由臣如數撥歸永定河災振應用仍以撥至十五萬兩爲止俾災區可資接濟而捐案仍不紛歧似於振務捐務均能兼顧無誤如蒙

俞允恭候

命下擬卽由

臣

咨行欽遵辦理所有遵

旨酌量籌撥直隸振需並詳陳籌款爲難情形是否有當謹恭摺具陳伏乞

皇上聖鑒訓示謹

奏 本月十九日奉

諭旨盛宣懷奏籌撥永定河漫口振需並詳陳籌款情形一摺著依議欽此

遵 旨議覆川省路股辦法摺

宣統三年八月

奏爲遵

旨議覆事七月二十七日奉

旨沈秉堃電奏川省變亂請飭郵傳部分備銀兩散還零星民股其川路虧倒股本並飭部墊認按股散還追繳歸款等語著郵傳部速議具奏欽此二十九日又奉旨岑春煊電奏悉所陳川省路股辦法尙得要領與朝廷前次諭旨亦相符合其中詳細條目著郵傳部速議具奏欽此先後由內閣鈔交前來仰見

聖明維持路政有加無已之至意欽服莫名竊查四月

十一日

諭旨幹路均歸國有定爲政策昭示天下實緣各該省鐵路歷年商辦成路無期因路抽收重滋民困故停其雜捐卽所以體恤民艱准其附股卽以示與民同利歷次會議奏陳辦法無非本此宗旨於所有集股抽捐之款定爲欲附股者任其換票所享利益與商辦無異欲領款者分別遲早如數給還總不使股東已出資本有所虧損而路工早成地方商民大沾便利較之朘削民膏屢歸中飽路成無日得失甚明且張之洞原奏美國贖約應還金元小票以及香港所借英鎊兩大鉅款均

係商股所認繳者今則皆爲

國家所代還而川省至艱至大觀成無日之工程徒以虛糜民間血汗金錢者今則皆爲

國家所擔負在四省商民應如何感激

皇仁歡忻鼓舞乃自政策發布以來凡明白大體者無不謂然其未悉內容者動多誤會甚至川省匪徒藉端煽亂以致上煩

宸厪一再諮詢伏念川粵漢爲東南一大幹綫

朝廷爲大局起見收歸國有但求速成並無排除民股之見故仍准附股並聽自願今若悉照沈秉堃電奏散

還零星民股岑春煊電奏一律給還現銀各辦法款項
輾轉固可一旦廓清但於與民同利之

旨既有未符且按之王世琪黃瑞麒甘大璋陳善同等
先後陳奏爲各該省人民要求附股之意亦多不合籌
維至再惟有將辦法酌量變通格外體恤務使整齊畫
一俾附股者固有紅利可分領銀者亦有常利可得一
經換給國票之後不特本項無一文之失卽利項亦無
一日之停以昭大信蓋各省商辦籌款其途有二如湖
南之米捐鹽捐湖北之振糶捐四川之土藥鹽茶燈捐
土釐係量假官力籌措而得如四省之商股及四川湖

南之租股係由商民集合而成兩項性質既殊辦法卽應區別今擬凡各省抽捐所得項下悉遵七月二十日諭旨特從湘紳所請一律換給有利股票專留爲各該省辦理公益實業之需查護川督王文五月二十日來電實收租股九百五十餘萬官民購股二百六十餘萬土藥鹽茶商一百二十餘萬兩此外尙有生息及雜收三百三十餘萬兩且收支之中尙有重複糾葛非合各處帳冊檔卷互證參稽斷難確定等語粵督張鳴岐七月二十日來電公司帳目截至五月底總共收銀一千六百四十七萬餘兩前電祇請照股款一千四百十

萬兩實已剔除雜收二百三十七萬餘兩所有虛糜各項以剔除之款彌補然六成現銀亦須八百四十萬其餘四成五百六十萬尙可分年攤還等語湘撫楊文鼎來咨除米捐鹽捐之外實收商股一百五十萬兩租股九十餘萬兩湘京官會奏已請准作爲私股願領國路股票湘撫余誠格來電湘路房股租股自應遵十七日諭旨換給股票惟商股一百五十萬未曾揭明如湘商

執五月二十一日

諭旨有湘路商股照本發還兩語明知路事有利願退股者必不多然不能不儲款以待以免藉口等語鄂督

瑞澂來電應領國票現款各若干數日內即可奏報四
省合計實收股銀約在三千萬兩左右必有各公司股
票根簿爲憑除川省現存之款七百餘萬兩前已奉
旨願否入股或歸本省興辦實業仍聽其便今當剔除
在外由川督川紳另換本省實業或枝路股票或發還
現銀部不過問要以收銷公司股票爲斷其餘四省私
股計銀二千數百萬兩卽當以督撫報告實收股本之
總數並當覆按其收股根簿爲據毋庸再查支款詳細
數目以免煩瑣如有情願附股者仍遵

諭旨按照湘股給發國家鐵路股票一律分紅分利如

不願附股者仍遵

諭旨悉照粵股一律實發六成現銀其餘四成另給國家印票分作兩年每年給還二成或歸兩年後一氣全還其未還以前仍給發六釐利息所有該省公司實收之股本國票既已全數認還則其虛糜及倒帳之款在股東已無損失似此辦法國家收回鐵路發還公司股本既不再查其支款數目則其股本以外之事亦均不能過問再有認還之款至於發還股本或換票或還銀俟將詳細條目與督會辦大臣議定卽照辦理查各該省商辦股票散之於外府州縣粵省股票且多散之於

南洋各島輾轉查核掛號分別往返需時擬俟會商定奪請

旨核准之後卽由臣部咨明各該省督撫會同督辦大臣出示曉諭凡持有商辦股票者准赴各省路局清理股票處掛號計核對票根彙齊票數約須數月方能竣事俟屆時登報到局支取現銀並換領國路股票如此變通酌劑實與歷次准商附股聽其自願以及給還股本總不使有絲毫虧損以失信吾民之

諭旨均屬相符各股東當益曉然於

朝廷公溥之用心不復以歧視爲藉口再此次本遵

旨議覆川路適張鳴岐等有電來商因卽將川粵漢各路所擬辦法一併附陳惟川省正值會匪擾亂省城戒嚴臣部於此次接奉交

旨後卽已電商趙爾豐迄無回電想此時軍務倥傯尙難料理昨經內閣會議應俟督辦鐵路大臣端方行抵川境卽由臣部詳電端方妥籌辦法再行請

旨核定粵路則由臣部卽與張鳴岐會商趕辦所有關係款項之事仍當由臣部會同度支部隨時商辦再此摺因輾轉會商致延數日合併陳明所有遵

旨議覆緣由理合恭摺具陳伏乞

皇上聖鑒訓示謹

奏 本月初八日奉

諭旨郵傳部奏議覆沈秉堃春煊電奏川省路股辦法一摺著依議欽此

密籌借款收回鐵路商股情形片

宣統三年八月

再川粵漢鐵路收歸國有款鉅工長必資借款此次所
訂四國銀行合同係照張之洞原定之數皆在湘鄂境
內而草合同內已允之荊宜枝路特令刪除留歸鄂省
商辦騰出此款以抵鄂境幹路宜昌至夔州一段極難
工築川粵兩省並未借款初經會議因恐商辦各省不
願退股則拒款尤力故必先儘其附股而緩借外債今
湘鄂雖附股皆出自願張鳴岐來電粵商似皆願領現
銀並謂不宜卽指粵路以借外債致滋口實川公司總
理李稷勳前次來京面商欲求全領國家股票保守桑

梓血本而屢次電商川督究應如何辦法復電初則專指合同爲不然繼則無暇計及路事其不能卽指川路借款更無待言此次奉

旨交議沈秉堃岑春煊先後所請全還現銀四川一省如此粵湘鄂三省亦必連類而及現在會籌總以符合
歷次

上諭爲宗旨仍當附股發銀二者兼籌各聽其便但必須預備全數發銀一著以免爲難且此次還款擬請以各該公司所收之股分爲應還之實數不能再問其支款則其所有虧耗倒帳實已一概認還惟其股分之外

粵省尙有列收存息路餘溢水各雜款銀二百三十七萬餘兩張鳴岐來電已允剔除以抵虧耗其實股本以外本無再有認還之款川省王人文來電亦有列收生息及雜收銀三百三十餘萬兩皆在股本之外似與粵省無異論理旣已照數全還股本則此外各該公司列收列支皆不應問至建造粵路據報存款垂罄卽須由臣部籌撥鉅款接續工程方不致延誤其張之洞所借贖約之香港英鎊陸續到期亦應籌的款分別歸還似此數端皆屬萬不能緩不得不一併預籌統而計之至少三千萬兩方能應目前之急度支部郵傳部庫空如

洗除借款實無他法儻卽以川粵鐵路明借外債該會
黨必藉口鼓惑臣部與度支部熟商惟有暫不指明川
粵鐵路但以郵傳部出名籠統商借英金四百萬鎊仍
照五釐九五扣暫以京奉路餘利爲實抵仍由度支部
不拘何省另指進項爲虛抵得此鉅款雖川粵省均不
願領國家股票皆索現銀亦不致臨時貽誤綜計借款
五釐九五扣科合僅及五釐半比較國票每年應給商
股六釐常息尙屬有盈無絀且可毋庸分紅是將此借
款對抵商股並不喫虧如蒙

俞允容臣部卽與銀公司銀行等妥速籌議再行會同

度支部議訂合同請

旨辦理所有密籌借款收回商股情形理合附片密陳

伏乞

聖鑒謹

奏

各省官紳報効災振鉅款仍懇照案優獎摺

宣統三年八月

奏爲各省官紳報効災振鉅款仍懇准照前案

特予優獎恭摺仰祈

聖鑒事竊查江皖災振所有各官紳報効鉅款經

臣八

次

奏請照章優獎欽奉

諭旨均著照所請獎勵等因欽此嗣因江皖新捐收數甚薄借墊各款尙難歸償

奏請查照兩次部議仍照前案所請各節展辦半年以清款目宣統三年六月二十二日欽奉

諭旨著依議欽此欽遵各在案茲據分省補用鹽大使周忻報効振捐銀一萬一千兩候選道張開鼎報効振捐銀一萬兩中書科中書銜卞喜孫縣丞銜劉振鏞員外郎銜趙興昌各報効振捐銀六千兩三品銜雙月選用知府王師濬署貴州貞豐州補用知州張華松同知銜朱朝政畢光祖丁憂遇缺先藩庫大使延榕州判銜江西候補縣丞舒志觀縣丞銜周兆元陳長齡丁憂選用鹽大使延樟州判銜附監生毛遇順運同銜晏振福縣丞銜單宗模謝奎牛宗濂府經歷銜牛漢章牛藩田州同銜吳元弼縣丞銜唐獻菁各報効振捐銀五千兩

共計報効振捐銀十二萬九千兩均已如數核收由籌
振公所稟報前來臣查准查振大臣馮煦來咨江南皖
南被災各區已撥振款者皖省計十七州縣江省除揚
鎮常三屬沙洲外計十八州縣較原報業已增多臣前
撥振款銀六十萬兩應無餘存而徐之邳睢宿海之海
沐贛淮之安清桃皖之泗宿靈凡十二州縣續報新災
者尙不在內據馮煦電奏內稱臣宣懷屢經籌墊羅掘
俱窮如再振淮北益難措手等語八月初七日奉

旨著各該省督撫與盛宣懷協力通籌廣爲籌備以濟
急振等因欽此祇聆之下臣卽又籌墊銀十萬兩匯交

馮煦歸併前款酌量查放共計此次江皖新災先後籌撥振款已七十萬兩仍屬不敷分布又准山東撫臣孫寶琦電稱七月初五初六初七等日大雨如注山河暴漲濟南及東西路各州縣陸續報災東路較重尤應注意奉

旨著盛宣懷等派員迅赴膠高卽一帶加放急振遵卽籌解銀三萬兩匯交孫寶琦兌收因向來辦振各員均已分派江皖等處無員可委咨由該撫臣自行遴員散放以期迅速本年天災流行見之奏報者如奉天直隸山東湖南廣東浙江等省均有偏災雖不若江皖之重

而際此民窮財盡之時何堪同罹斯厄時艱蒿目愈切杞憂所恃以接濟振需者祇此官紳報効然因官制議改難期踴躍自應仍照前案從優

奏獎藉資鼓勵並爲集腋成裘之計查周忻張開鼎報効銀兩核與報捐雙月選用道員例銀有餘周忻擬請以道員雙月選用張開鼎一款擬請移獎伊胞姪孫候選知縣張仁普以道員雙月選用卞喜孫劉振鑄趙興昌報効銀兩核與報捐雙月選用員外郎例銀有餘均擬請以員外郎雙月選用王師濬報効銀兩核與報捐單月選用道員例銀有餘擬請以道員單月選用張華

松報効銀兩核與報捐雙月本班先選用知府例銀有餘擬請以知府雙月本班先選用朱朝玖畢光祖延榕報効銀兩核與報捐不論雙單月選用同知例銀有餘朱朝玖畢光祖均擬請以同知不論雙單月選用延榕擬請俟服闋後以同知不論雙單月選用舒志觀報効銀兩核與報捐雙月選用直隸州知州例銀有餘擬請以直隸州知州雙月選用周兆元陳長齡報効銀兩核與報捐雙月本班先選用知州例銀有餘均擬請以知州雙月本班先選用延樟毛遇順報効銀兩核與報捐分部行走主事例銀有餘延樟擬請俟服闋後以主事

分部行走毛遇順擬請以主事分部行走晏振福單宗模謝奎牛宗濂牛漢章牛藩田報効銀兩核與報捐不論雙單月選用主事例銀有餘均擬請以主事不論雙單月選用吳元弼唐獻菁報効銀兩核與報捐不論雙單月選用知縣例銀有餘均擬請以知縣不論雙單月選用以上各員所請獎勵按之籌餉例定銀數詳細復查實係有盈無絀合無仰懇

天恩俯照前奏仍准

特降諭旨所有報効鉅款之周忻等二十三名均予如請獎勵感戴

鴻施愈無旣極除飭取各該員履歷造冊咨部外所有各省官紳報効鉅款仍懇准照前案優獎緣由謹恭摺具陳伏乞

皇上聖鑒訓示謹

奏 本月十八日奉

諭旨盛宣懷奏各省官紳報効災振鉅款懇准照前案優獎一摺周忻等二十三名均照所請獎勵欽此

王湯氏助振請予建坊片

宣統三年八月

再據安徽辦理江皖振捐局司道詳稱據浙江仁和縣籍同知職銜王綿孫呈稱伊生母王湯氏每遇各省水旱偏災必典鬻釵環藉資振濟今春搜疾正危猶以江皖饑民嗷嗷待哺爲念遺命將平日節省衣食之資一千兩捐充災振以作萬一之助等語由局核收解交籌振公所轉報前來

臣

查士民捐助振款千兩以上例得請旨建坊今王湯氏所捐振款銀數核與建坊之例相符洵屬情殷施濟有裨災區相應請

旨俯准給予樂善好施字樣由該職員王綿孫爲伊已

愚齋存彙

卷十八

奏疏十八

四

是補遺

故生母王湯氏在於原籍自行建坊以彰善舉謹附片具陳伏乞

聖鑒訓示謹

奏 本月十八日奉

諭旨盛宣懷片奏同知銜王綿孫爲伊母王湯氏捐助振款一千兩請予建坊等語著依議欽此

愚齋存彙卷第十八終